

Na osnovu člana 13. Zakona o principima lokalne samouprave u Federaciji BiH („Službene novine F BiH“, broj: 46/08 i 51/09), člana 55., tačka 2. Statuta Općine Ilijaš – prečišćeni tekst („Službene novine Kantona Sarajevo“, broj: 20/09) i člana 99. Poslovnika Općinskog vijeća Ilijaš („Službene novine Kantona Sarajevo“, br. 2/10 i 18/15), Općinsko vijeće, na 13. sjednici, održanoj dana 31.10.2017. godine, **donijelo je:**

ODLUKU

o dopunama Odluke o pogodnostima za investiranje na području Općine Ilijaš u svrhu razvoja i poticaja industrijske proizvodnje za 2017. godinu

Član 1.

U Odluci o pogodnostima za investiranje na području Općine Ilijaš u svrhu razvoja i poticaja industrijske proizvodnje za 2017. godinu ("Službene novine Kantona Sarajevo", br. 30/17), član 9. dopunjava se novim stavom (3) koji glasi: "Javni poziv može biti ponovljen, ako se kroz prvoobjavljeni javni poziv ne realiziraju ukupno predviđena sredstva za program podsticaja utvrđena članom 1., stav (2) ove Odluke".

Član 2.

Zadužuje se Općinski načelnik da putem Službe za privredu i finansije Općine Ilijaš izvrši usklađivanje Pravilnika o utvrđivanju uslova, kriterija i postupaka za ostvarivanje prava na pogodnosti za investiranje na području Općine Ilijaš u svrhu razvoja i poticaja industrijske proizvodnje za 2017. godinu, odmah po objavljivanju Odluke o dopunama Odluke o pogodnostima za investiranje na području Općine Ilijaš u svrhu razvoja i poticaja industrijske proizvodnje za 2017. godinu u "Službenim novinama Kantona Sarajevo".

Član 3.

Ova Odluka stupa na snagu danom objavljivanja u "Službenim novinama Kantona Sarajevo".

Broj: _____

Ilijaš; _____

P R E D S J E D A V A J U Ć I

Općinskog vijeća Ilijaš

Mahir Dević, prof.

O b r a z l o ž e n j e

Pravni osnov za donošenje "Odluke o dopunama Odluke o pogodnostima za investiranje na području općine Ilijaš u svrhu razvoja i poticaja industrijske proizvodnje za 2017. godinu" je član 13. Zakona o principima lokalne samouprave u Federaciji BiH („Službene novine F BiH“, broj: 46/08 i 51/09) i člana 99. Poslovnika Općinskog vijeća Ilijaš ("Službene novine Kantona Sarajevo, br. 2/10 i 18/15), kojim su precizirane nadležnosti općinskih, odnosno gradskih vijeća unutar jedinica lokalnih samouprava u Federaciji BiH, te Statut Općine Ilijaš.

Dopunama Odluke o pogodnostima za investiranje na području Općine Ilijaš u svrhu razvoja i poticaja industrijske proizvodnje za 2017. godinu, dopunjava se član 9., novim stavom (3) u smislu uvođenja mogućnosti ponavljanja javnog poziva, u slučaju kada nisu iskorištena, odnosno realizirana ukupna sredstva kroz prvoobjavljeni javni poziv, bez izmjene prethodno utvrđenih uslova, kriterija i postupaka za ostvarivanje prava na poticaje za investiranje na području Općine Ilijaš za 2017. godinu sa ciljem implementacije potpisanog Sporazuma br. 04/1-14-1457/17 od 28.06.2017. godine, između Ministarstva privrede Kantona Sarajevo i Općine Ilijaš, a koji se odnosi na komponentu podsticanja industrijske proizvodnje iz "Programa raspodjele finansijskih sredstava za razvoj i podsticaj industrijske proizvodnje i sufinansiranje industrijskih zona u općinama Kantona Sarajevo", koji je usvojen od strane Vlade Kantona Sarajevo, Zaključkom br. 02-05-12401-45.1/17 od 30.03.2017. godine.

U skladu sa iznesenim podnosim prijedlog Odluke o dopunama Odluke o pogodnostima za investiranje na području Općine Ilijaš u svrhu razvoja i poticaja industrijske proizvodnje za 2017. godinu, te predlažem Općinskom vijeću Ilijaš da istu usvoji.

P R E D L A G A Č:

OPĆINSKI NAČELNIK
Akif Fazlić, dipl.oec